



“Bidea moztu da eta hutsune batean gaude”

Igeriketa, patinetean ibiltzea eta irakurtzea gustuko ditu Leire Manzanares Etxeberriak (Donostia, 2005). Garapenaren nahasmendua dauka eta Zereginak Ikasteko Gelan (ZIG) dago. Gurasoekin batera informazioa bilatzen aritu da ikasten jarraitzeko aukerak aztertzeko, baina oztopoz betetako bidea aurkitu dute.

  OLAIA L. GARAIALDE



Leire Manzanares

Leire Manzanaresek pertsona baten laguntza behar du ikasketetan gidatzeko. DBHko 2. mailara arte, hezitzaile baten laguntza izan zuen, baina 3. mailatik aurrera laguntzarik jarri ez ziotenez, ZIG gelara pasa zen. Manzanaresek argi dauka formatzen jarraitu nahi duela. Gurasoekin batera, ikasten jarraitzeko dauden oztopoez mintzo da. Ate joka dabilta, baina deus gutxi lortu dute: “Besteek dituzten aukerak nahi ditugu”.

Orain arte jarraitu beharreko bidea “nahiko” idatzirik zegoen, baina bat-batean horma baten kontra jo dute. Han eta hemen ibili dira informazio bila, baina aukera “gutxi” aurkitu dituzte: “Bidea moztu da eta hutsune batean gaude. Zer egingo dugu orain?”.

Ikasturte honetan, ZIG gelan dago Manzanares. “Daukagun aukera bakarra ZIG gela da, baina soilik egon gaitzke hogeit urte bete arte”, salatu dute. Irailean hogeit urte beteko ditu Manzanaresek. Horregatik, urte bat gehiago

“Berehala bideratzen dituzte lanera. Beharrezkoa da 20 urterekin derrigorrez lanera joan behar izatea?”

luzatzeko eskatu dute gelako zenbait familiek: “Bagenekien ziurrenik ezezkoa jasoko genuela, baina agian horri esker datorren urtean beste batzuei aukera emanen diete”.

Hezkuntza premiak dituzten ikasleentz kasuan, moldaketa kurrikularra egin, eta ikasleentz beharretara egoki-

tuta lantzen dituzte irakasgaiak. Baina Manzanaresten eta beste pertsona batzuen kasuan, ezin dute titulurik jaso: “Teorian titulurik gabe ezin duzu ikasten jarraitu; orduan, aukera bakarra da Oinarrizko Lanbide Heziketa egitea, onartzen bazaituzte”.

Manzanaresten kasuan, DBH amaitu ez duenez Gureak enpresan praktikak egiteko asmoa dauka urtarrilean. Gureaken nagusiki industria, zerbitzu eta marketin sektorean jarduten dira, eta batez ere desgaitasun intelektuala daukaten pertsonekin lan egiten dute. Behin praktikak amaituta, bertan lanean jarraitzeko aukera dago, baina soilik gutxi batzuek izaten dute kontratua eta soldata: “Lan okupazionala egiten dutenek lanaldi osoa egiten dute lan, baina ez dute soldatarik jasotzen, 200 eurora iristen ez den eskupekoa baino ez”.

LANERA BIDERATZEKO PRESA

Aurreko ikasturtean Manzanaresi galdetu zioten ea zertan egin nahi zituen



praktikak, eta adierazi zuen ikus-entzunezkoekin zerikusia duen zerbait. Horregatik, horri lotutako praktikak egitea eskatu du Gureaken. Horrez gain, administrazioan praktikak egiteko aukera ere eskatu du. "Ideia polita iruditzen zaigu ikasten jarraitzeko. Azkenean, gure helburua da ikas-prozesuari ahalik eta zuku gehien ateratzea eta aurrera egiten jarraitzea", azaldu dute. Ez da soilik Manzanarenen eta bere familiaren kezka, ikaskide askorena ere bada: "Zergatik utzi behar diote ikasteari?".

Salatu dute presa handiegia dagoe-lanean hasteko: "Berehala bideratzen dituzte lanera. Beharrezkoa da 20 urterekin derrigorrez lanera joan behar izatea?". Manzanaresek bi ahizpa nagusi ditu, eta horiek oraindik ikasten ari dira: "Zergatik Leirek hasi behar du lanean? Zer presa daukagu gizarte gisa?". ●

GORPUTZEKO ATAL BAT?

"Besoak eta hankak, igeri egiteko".